


114

BOSNA I HERCEGOVINA FEDERACIJA BOSNE I HERCEGOVINE UNSKO-SANSKI KANTON MINISTARSTVO UNUTRAŠNJIH POSLOVA		BOSNIA AND HERZEGOVINA FEDERATION OF BOSNIA AND HERZEGOVINA THE UNA-SANA CANTON MINISTRY OF THE INTERIOR
--	---	--

UPRAVA POLICIJE

Broj: 05-04/06-11-635-LOT 5/24/DG

Dana: 04.07.2024. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14 i 59/22), Preporuke o izboru najpovoljnijeg ponuđača Komisije za javne nabavke Uprave policije MUP USK-a broj: 05-04/01-1-11-635/24 od 03.07.2024. godine, a na osnovu člana 26. i člana 27. stav (3) Zakona o unutrašnjim poslovima Unsko - sanskog kantona („Službeni glasnik USK - a“, broj: 13/16, 16/17 i 8/24) te Pravilnika o javnim nabavkama MUP USK-a i Uprave policije MUP USK-a („Službeni glasnik USK-a“, broj: 09/23) u postupku javne nabavke roba – policijska oprema Uprave policije MUP USK-a, zamjenik direktora Uprave policije MUP USK-a d o n o s i:

**ODLUKU
o izboru najpovoljnijeg ponuđača**

Član 1.

Prihvata se Preporuka Komisije za javne nabavke broj: 05-04/01-1-11-635/24 od 03.07.2024. godine i Ugovor za javnu nabavku roba – policijske opreme za **LOT 5 - Baterijske lampe, dodjeljuje se ponuđaču „Danial S“ d.o.o. Tešanj**, za ponuđenu ukupnu cijenu od 4.500,00 KM bez PDV-a, odnosno 5.265,00 KM sa uračunatim PDV-om.

Član 2.

Izabrani ponuđač je dužan da u roku od 5 (pet) dana od dana prijema ove Odluke dostavi originale ili ovjerene kopije dokumenata iz člana 45. Zakona o javnim nabavkama. Ova obaveza se ne odnosi na ponuđače koji su ovjerene/originalne dokumente iz čl. 45. Zakona o javnim nabavkama dostavili u sastavu svoje ponude.

Član 3.

Po pravosnažnosti ove Odluke, Ugovorni organ će sa izabranim ponuđačem zaključiti Ugovor kojim će se regulisati međusobna prava i obaveze vezano za predmetnu nabavku shodno uslovima Ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Član 4.

Za izvršenje ove Odluke zadužuje se i ovlašćuje Sektor za materijalno - finansijske poslove i informacijsko - komunikacijske tehnologije Uprave policije MUP USK-a, Odsjek za materijalno opremanje i komercijalne poslove.

Član 5.

Ova Odluka će biti objavljena na web – stranici Ugovornog organa uz istovremeno upućivanje ponuđačima koji su učestvovali u postupku javne nabavke, shodno članu 70. stav (2) i stav (6) Zakona o javnim nabavkama BiH.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05-04/06-11-635/24/DG od 22.05.2024. godine.

Javna nabavka je provedena putem otvorenog postupka.

Procijenjena vrijednost javne nabavke bez uračunatog PDV-a je do 30.000,00 KM. Nabavka je podijeljena na šest LOT-ova i to:

LOT 1 – Stop tablice, procijenjena vrijednost bez uračunatog PDV-a iznosila je 19.000,00 KM,
LOT 2 – Saobraćajni čunjevi, procijenjena vrijednost bez uračunatog PDV-a iznosila je 1.870,00 KM,
LOT 3 – Saobraćajni treptači, procijenjena vrijednost bez uračunatog PDV-a iznosila je 370,00 KM,
LOT 4 – Zviždaljke, procijenjena vrijednost bez uračunatog PDV-a iznosila je 2.300,00 KM,
LOT 5 – Baterijske lampe, procijenjena vrijednost bez uračunatog PDV-a iznosila je 4.500,00 KM,
LOT 6 – Trake s natpisom STOP POLICIJA, procijenjena vrijednost bez uračunatog PDV-a iznosila je 1.960,00 KM.

Obavještenje o nabavci broj: 20936-1-1-38-3-21/24 objavljeno je dana 28.05.2024. godine na Portalu javnih nabavki. Krajnji rok za prijem ponuda bio je 19.06.2024. godine do 09,00 sati.

Komisija za javne nabavke Uprave policije MUP USK-a imenovana je Rješenjem broj: 05-04/04-2-11-585/23 od 06.06.2023. godine i od 29.04.2024. godine.

Komisija za javnu nabavku dostavila je Odsjeku za materijalno opremanje i komercijalne poslove Zapisnik o ocjeni ponuda za LOT 1, 2, 4, 5 i 6 broj: 05-04/01-1-11-635/24 od 19.06.2024. godine, Zapisnik sa otvaranja ponuda od 19.06.2024. godine i Preporuku o izboru najpovoljnijeg ponuđača broj: 05-04/01-1-11-635/24 od 03.07.2024. godine u postupku javne nabavke roba – policijske opreme Uprave policije MUP USK-a.

U postupku po Zapisniku o pregledu i ocjeni ponuda je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene 3 ponude za LOT 5,
- da su blagovremeno primljene 3 ponude za LOT 5,
- da nije bilo neblagovremeno primljenih ponuda,
- da je ponuda ponuđača „Danial S“ d.o.o. Tešanj prihvatljiva,
- da su ponude ponuđača „Grifon“ d.o.o. Zenica i „Astorija Company“ d.o.o. Novi Grad neprihvatljive.

Komisija je izvršila kvalifikovanost ponuđača i ocjenu ponuda u skladu sa kriterijima iz tenderske dokumentacije: najniža cijena.

Ocjenom ponuda Komisija je konstatovala sljedeće:

- Uvidom u dostavljenu ponudu i dokumentaciju ponuđača „**Grifon“ d.o.o. Zenica**, Komisija je konstatovala da ovaj ponuđač **ne ispunjava** sve uslove koji su traženi tenderskom dokumentacijom.

Naime, ovaj ponuđač je uz svoju ponudu dostavio traženi uzorak za LOT 5, i tehničku specifikaciju za dostavljeni uzorak. U dostavljenoj tehničkoj specifikaciji navedeno je, između ostalog, da je dužina dostavljenog uzorka 130 mm. Komisija je izvršila mjerenje dostavljenog uzorka, te utvrdila da stvarna dužina lampe ne odgovara dužini lampe navedenoj u dostavljenoj tehničkoj specifikaciji, odnosno Komisija je utvrdila da dostavljena BATERIJSKA LAMPA ima minimalnu dužinu 126 mm, a tenderskom dokumentacijom je jasno određena tražena dužina navedene lampe tako da je propisan raspon dužine lampe od 130 do 200 mm. Dakle, dostavljena BATERIJSKA LAMPA je 4 mm kraća od tražene minimalne dužine navedene lampe.

Komisija je utvrdila da dostavljena lampa ima mogućnost teleskopskog razvlačenja koje služi za usmjeravanje snopa svjetlosti lampe na veću daljinu (tzv. ZOOM opciju), te da je dužina lampe kada se teleskopski razvuče ukupno 136 mm. Međutim, za mjerenje minimalne dužine lampe je bitna dužina iste bez podešavanja lampe u tzv. ZOOM mod.

Također, ponuđač je bio dužan da prema tenderskoj dokumentaciji dostavi uzorak koji odgovara tehničkim specifikacijama koji su propisani tenderskom dokumentacijom, a mogao je da dostavi i uzorak sa boljim karakteristikama. Kako je ponuđač dostavio uzorak koji ima minimalnu dužinu manju od tražene (dostavljeni uzorak ima minimalnu dužinu 126 mm, a tenderskom dokumentacijom se traži minimalna dužina lampe od 130 mm), utvrđeno je da nije dostavio uzorak tehničkih specifikacija koji su traženi tenderskom dokumentacijom.

- Uvidom u dostavljenu ponudu i dokumentaciju ponuđača „**Astorija Company**“ d.o.o. Novi Grad, Komisija je konstatovala da ovaj ponuđač **ne ispunjava** sve uslove koji su traženi tenderskom dokumentacijom.

Naime, ovaj ponuđač je uz svoju ponudu dostavio traženi uzorak za LOT 5, i napisanu tehničku specifikaciju za dostavljeni uzorak. U dostavljenoj tehničkoj specifikaciji navedeno je, između ostalog, da je dužina dostavljenog uzorka cca. 130 mm. Komisija je izvršila mjerenje dostavljenog uzorka, te utvrdila da stvarna dužina lampe ne odgovara dužini lampe navedenoj u dostavljenoj tehničkoj specifikaciji, odnosno Komisija je utvrdila da dostavljena BATERIJSKA LAMPA ima minimalnu dužinu 122 mm, a tenderskom dokumentacijom je jasno određena tražena dužina navedene lampe tako da je propisan raspon dužine lampe od 130 do 200 mm. Dakle, dostavljena BATERIJSKA LAMPA je 8 mm kraća od tražene minimalne dužine navedene lampe.

Komisija je utvrdila da dostavljena lampa ima mogućnost teleskopskog razvlačenja koje služi za usmjeravanje snopa svjetlosti lampe na veću daljinu (tzv. ZOOM opciju), te da je dužina lampe kada se teleskopski razvuče ukupno 139 mm. Međutim, za mjerenje minimalne dužine lampe je bitna dužina iste bez podešavanja lampe u tzv. ZOOM mod.

Također, ponuđač je bio dužan da prema tenderskoj dokumentaciji dostavi uzorak koji odgovara tehničkim specifikacijama koji su propisani tenderskom dokumentacijom, a mogao je da dostavi i uzorak sa boljim karakteristikama. Kako je ponuđač dostavio uzorak koji ima minimalnu dužinu manju od tražene (dostavljeni uzorak ima minimalnu dužinu 122 mm, a tenderskom dokumentacijom se traži minimalna dužina lampe od 130 mm), utvrđeno je da nije dostavio uzorak tehničkih specifikacija koji su traženi tenderskom dokumentacijom.

- Uvidom u dostavljenu ponudu i dokumentaciju ponuđača „**Danial S**“ d.o.o. Tešanj, Komisija je konstatovala da ovaj ponuđač **ispunjava** sve uslove koji su traženi tenderskom dokumentacijom.

Na osnovu navedenog Komisija je utvrdila da je u ovom postupku javne nabavke za LOT 5 dostavljena jedna prihvatljiva ponuda od strane ponuđača „**Danial S**“ d.o.o. Tešanj.

E-Aukcija nije zakazana LOT 5 iz razloga što je prihvatljivu ponudu dostavio samo jedan ponuđač.

Podaci o ponuđaču čija je ponuda ocijenjena kao najpovoljnija:

1.	Naziv ponuđača	„Danial S“ d.o.o. Tešanj
2.	Sjedište i adresa	Trg žrtava 3. Augusta broj 1 74260 Tešanj
3.	Ukupna cijena ponude bez PDV-a	4.500,00 KM
4.	Ukupna cijena ponude sa PDV-om:	5.265,00 KM

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav (1) tačka b) (najniža cijena), člana 25., te člana 70. stavovi (1), (3) i (6) Zakona o javnim nabavkama Bosne i Hercegovine ("Sl. glasnik BiH", broj: 39/14 i 59/22), člana 26. i člana 27. stav (3) Zakona o unutrašnjim poslovima Unsko - sanskog kantona ("Službeni glasnik USK-a", broj: 13/16, 16/17 i 8/24), te Pravilnika o javnim nabavkama MUP USK-a i Uprave policije MUP USK-a („Službeni glasnik USK-a“, broj: 09/23) odlučeno je kao u dispozitivu ove Odluke.

POUKA O PRAVNOM LIJEKU

Protiv ove Odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi BiH putem Ugovornog organa u pisanoj formi, direktno, elektronskim putem ili preporučenom poštanskom pošiljkom na adresu Ugovornog organa.

Dostavljeno:

1. Ponuđačima putem e-maila: danials@danials.ba, „Danial S“ d.o.o. Tešanj, astorija.ng@teol.net, „Astoriya Company“ d.o.o. Novi Grad, trgovina@grifon.ba, „Grifon“ d.o.o. Zenica,

2. Sektor za mat. fin. poslove i IKT-za objavu,

3. a/a



ZAMJENIK DIREKTORA
glavni inspektor

Amel Kozlica